

BOERDERY-OMSTANDIGHEDE VERANDER VOORTDUREND:



- Inkomste verminder;
- Insette verhoog;
- Risiko verhoog a.g.v. logistiek, afstand van die mark en regulasies; of
- Kwaliteit, vruggrootte en rakteertyd raak meer belangrik as groot oeste.

Indien plaasinkomste gelyk is aan uitgawes, beweeg ons na 'n nievolhoubare stelsel.

Probeer die groot uitgawes verminder, veral waar die geld nie binne die eerste 2 jaar verhaal kan word nie.

Koste kan besnoei word deur die reserwes van voedingstowwe te benut soos aangetoon word deur 'n grondontleding, asook boomreserwes op 'n tydelike basis te benut. Skep 'n omgewing waarin organismes kan voed, floreer en vermeerder en beskikbaarheid van voedingstowwe bevorder.

Bemesting en blaarvoeding:

1. Besparing op kalk en gips kan oorweeg word indien hierdie toedienings in die verlede gedoen was.
2. Volg 'n meer organiese benadering deur gebruik te maak van mis en organiese produkte veral vir kalium- en fosfotaanvullings.

3. Meer gereelde en kleiner toedienings van mis en kompos kan meer effektief wees as oormatige groot en eenmalige toedienings.
4. Kalium- en kalsiumopname kan met 20% verhoog in die teenwoordigheid van organiese bemesting.
5. Waar gronde voldoende fosfor en kalium bevat, is stikstof die belangrikste element wat sinvol beplan moet word gedurende die groeiseisoen.
6. Stikstofvrystelling uit grond en organiese materiaal kan bevorder word deur meer gereelde kleiner toedienings van organiese materiaal met vishidrolisaat te kombineer.
7. Bemes minimum fosfaat indien dit benodig word.
8. Bemes kalium betyds vir maksimum opname – nie alles aan die einde van die groeiseisoen nie.
9. Blaarbespuitings met voldoende aktiewe elemente in blaarvoeding is noodsaaklik en besluite moet daarvolgens beplan word – verminder aantal bespuitings en vermeerder tyd van opname.
10. Verbeter besproeiingskedulering en bestuur tydelike strestoestande (klimaat).
11. Verminder die aantal bemestingtoedienings gedurende die seisoen – verhoog dus konsentrasie en bespaar tyd en toedieningskoste.
12. Plaas bemesting naby aan die wortels van die plant teen veilige konsentrasies om verliese te beperk en opname te bevorder.
13. Maak betyds aanpassings volgens die groeikrag en potensiële oes deur insette te verminder waar die inkomste dit nie regverdig nie en te verhoog waar die oes potensiaal groter is.
14. Wees bewus van geiler groei en verlaagde strestoestande onder nette.

Onder moeilike ekonomiese toestande is kennis en beproefde praktyke van groot waarde. [Kontak die Atlantic Fertilisers-span](#) vir 'n evaluasie van jou bemestings-insette.

